

M: 15/1, 1962

SKÓGARVÖRÐURINN Á SUÐVESTURLANDI.

STARFSKYRSLA 1962.

STARFSKYRSLA 1962.

Girðingar:

Girðingum Skógræktar ríkisins á Suðvesturlandi var haldið við á árinu og lagfærðar eins og þörf krafði. Endurbótum á Laugarvatnsgirðingu á fjallinu austan við Skjálfskvíar varð þó að slá á frest um eitt ár, sakir fjárskorts og einnig fyrirhugaðri endurnýjun á Haukadalsgirðingu.

Aurskriða sem féll úr Laugarvatnsfjalli 27. maí og átti upp-tök sín skammt undan Snorrahaug, féll á girðinguna ofan og austan við kennarabústaðina. Tók girðingu þar af á um 300 m. kafla. Þegar sjatnað hafði í skriðunni var þessi kafla endurgirtur með nýju efni og ennfremur lagfært annað sem með þurfti á girðingunni meðfram veginum.

Gróðursetning:

Í skóglendi Skógræktar ríkisins á Suðvesturlandi var gróðursett sem hér segir:

Í Haukadal: um vorið: 1962

1.	6.510	rauðgreni	3/4	N- Helgeland	(Hall.)	2019
	18.000	sitkagreni	2/2	Seward	(Tum.)	2020
					(Tum.)	4573 2021
		sumargróðursetning í ágúst:				
2.	39.800	sitkagreni	2/2	Seward	(Tum.)	2081
	9.000	sitkagreni	2/2 ofan	Homer	(Tum.)	1073
	8.000	rauðgreni	2/3 ofan	Grane Vefsen	(Hall.)	1081
	15.000	rauðgreni	2/2	Snása	(Hall.)	2071
	3.000	stafafura	2/2 ofan	Spökagreni	(Tum.)	1074
	2.000	bergfura	3/0	Austurr.	(Tum.)	1085
	<u>101.310</u>					<u>16.41</u>

Að Laugarvatni:

407 alaskaaspir 50 - 75 cm. (Tum.)

V- Íslendingareitur á Þingvöllum:

2.000	sitkagreni	2/2	Seward	(Hall.)
1.000	hvítgreni	2/3	Fort St. James	(Hall.)

Sandey í Þingvallavatni:

200	sitkagreni ✓	2/2	Seward	(Fossv.)
100	bergfura ✓	3/0	Fyr.	(Fossv.)
100	stafafura ✓	2/2	Skagway	(Fossv.)

Í Straumsgirðingu:

950	sitkagreni	2/2	Seward	(Hall.)
250	sitkagreni	2/2	Seward	(Fossv.)
110	blágreni	2/2	Sapinero	(Fossv.)
300	bergfura	3/0	Fyr.	(Fossv.)
150	birki	2/2	Bæjarst.	(Fossv.)

1760

Í Laugabólsgirðingu:

1.000	rauðgreni	2/2	Grane Vefsen	(Hall.)
3.000	sitkagreni	2/2	Homer	(Hall.)
90	{	2/3	Rognan	(Tum.)
50				(Fossv.)
50				(Fossv.)
25				(Fossv.)
	alaskaaspir			
	elri			
	viðja			
	álmur			

4.215

Í Haukadál fór vorgróðursetning fram frá 6. júní - 24. júní og var að mestu unnin í tímavinnu af 5 - 6 manna vinnuflokki úr Reykjavík.

Allan júlímánuð og fram í ágúst vann sami vinnuflokkur að grisjun í Haukadál. Framan af eingöngu í tímavinnu, en er leið á tímann var gerð tilraun með ákvæðisvinnu. Voru greiddar kr. 700.- fyrir hvern km. í rás sem var ca 1.75 á breidd. Við grisjunina voru eingöngu notaðar Jo Bu sagir. Það kom í ljós að greiðslan fyrir ákvæðisvinnu í grisjun var full há. Land það sem grisjað var, reyndist mjög greiðfært. Það var vaxið kjarri frá hnéhæð og upp í mannhæð. Afköstin við grisjunina í tímavinnu voru hinsvegar svo bágborin að verulegur ávinningur varð af ákvæðisvinnunni fyrir Skógræktina. Flokksstjóri stakk út línur fyrir rásum, aðstoðaði við að skerpa sagir og lagfæra þær, eftir því sem með þurfti og sá um aðdrætti fyrir matarfélag. Flokksstjóri við vorgróðursetningu og grisjun var Egill J. Stardal. Matarfélag var í Haukadál 20. júlí til 30. ágúst, en fyrir 20. júlí var keypt fæði hjá Sigurði Greipssyni. Sumargróðursetning hófst hinn 13. ágúst og var öll unnin í ákvæðisvinnu. Greiddar voru kr. 0.45 pr. plöntu, en hámarksafköst miðuð við 10 tíma vinnu, voru 800 plöntur. Flokksstjóri við gróðursetningu var Gunnar Þinnbogason, skógverkstjóri, til 24. ágúst, en Egill Stardal aftur síðustu vikuna.

Vorgróðursetning í Haukadál fór í ýmsa smáreiti svo sem á flötina innan og ofan við hliðið til viðbótar gróðursetningu frá 1961. Ennfremur í þúfnastykkið ofan við bústað skógræktarstjóra og austur undir Sældarskoru. Þá var gróðursett í Miðhliðarholti og fyllt í smáeyður ofan við Laugaá allt út undir girðingu. Var þar sumpart um

Kaali Þorsdóttir

endurbót að ræða. Alls var gróðursett um vorið í tæpa 4 ha.

62 Sumargróðursetningin er öll innan við Kolabrekkur, á svæðinu ofan við vög frá því sem frá var horfið í fyrrasumar og inn undir Kjaftagil vestara, en neðan vegar frá mýrarsundinu neðan við Kolabrekkur og inn að Kjafti. Neðri mörk eru brekkulöggin neðan við hólabrúnir ca 250 m. frá vegi. Flatarmál ofan vegar er ca 3.15 ha. en neðan vegar ca 12.2 ha. Samtals var gróðursett í 19.35 ha. í Haukadal 1962.

Svo hafði verið ráð fyrir gert, að undirbúa gróðursetningu á Kotholtinu milli Beinár og Almenningsár með plægingu s.l. haust. En sakir bilunar á tækjum Ræktunarsambandsins sem ætlaði að framkvæma verkið, varð ekkert úr þessu, áður jörð frysti og verður það því að bíða næsta sumars.

Plöntur þær, sem gróðursettar voru í plógstrengi vorið 1961 döfnuðu vel í sumar og virtust jafnfallegri en plöntur þær, sem gróðursettar voru annarsstaðar í Haukadal á sama tíma.

Að Laugarvatni voru gróðursettar 407 alaskaaspir af vinnuflokki undir stjórn Pálma Pálssonar á Hjálmsstöðum. Voru aspirnar gróðursettar í aurskriðuna sem féll síðast í maí. Skriða þessi skemmdi allstóra spildu í hlíðinni. Hið efra skóf alveg ofan á móbergsklappir en hið neðra fyllti lautir og farvegi. Fór hún yfir hluta af Norðmannagróðursetningunni frá 1958, og munu nokkur lerki hafa grafist undir henni. Annars var það einkum víðikjarr og birki sem skemmdist. Tel ég rétt að hraða gróðursetningu trjáplantna og lúpínu í hana og einnig að sá í hana birki og grasfræi.

Í Straumi gróðursettu landnemar nokkuð en vinnuflokkur úr Reykjavík aðallega og þar á eldri plöntur.

Í Sandey í Þingvallavatni og í Vestur-Íslendingareit á Þingvöllum gróðursetti vinnuflokkur úr Reykjavík. Í Furulundinn og í brekkuna innan við Fögrubrekku allt inn að Leirum voru höggnað upp og færðar á brott lúsugar skógarfurur. Í desembermánuði var aftur farið í Furulundinn og grisjað og höggvið furulim.

Vestur í Laugaból fór Guðmundur Bjarnason við þriðja mann og gróðursetti þar og lagfærði girðingu o.fl.

Þýzku bjúgskóflurnar voru hvarvetna notaðar við gróðursetninguna nema á Þingvöllum, þar varð að nota haka nema á stöku stað.

Vegagerð.

Enn varð að fresta framhaldi vegagerðar í Haukadal sakir fjárskorts. Er að því hinn mesti lagi, þar sem viðhaldi hefir einnig verið skotið á frest og liggur því hluti hinna hálfofanibornu vega undir skemmdum.

